

職方典第五十二卷

順天府部雜錄十三

此卷自霸州而文安大城保宜

長安客話霸城宋將楊延朗修葺以控契丹當時號爲北方重鎮沿城有七十餘井亦延朗所鑿謂之護城井

城邑考霸州舊有土塘蓋金元時所築弘治中始磚甃北面正德中復修完三面嘉靖十九年增修霸州志城高三丈五尺周環六里餘堞一千五百一十有二城下濠深一丈二尺廣七尺門三東曰臨津南曰文明北曰瞻極北甕城門曰迎恩東曰旭升南曰向離西不設門而樓臺具焉 州治在城西隅洪武庚戌建儒學在州治東元初建皇慶三十年置瞻學田有碑

長安客話州城南十五里宮家莊舊有益津書院元時宮君祺建翰林學士黃潛記之萬曆初如臯錢藻備兵霸上移建城內卽公館一區加黜陟焉仍扁曰益津書院

方輿紀要益津書院今州治也

霸州志州城東北隅有瀦水故益津縣治也廣三里許中有東岳祠武廟時巨璫張忠所建廟東水

曰鹽廠河每歲冰泮輒有水鳥千羣容與其上

長安客話霸臺舊在州署後圃其後改題於州治左譙樓之臺

名勝志引馬洞楊延朗所穿始自州城中通雄縣

長安客話州舊有神霄宮在州治之南丁真人嘗居之

熙寧酒課霸州酒務四熙寧中權三萬貫

霸州志澄清街舊有酒樓元華亭管訥爲學正有東城酒樓花滿煙之句今廢

長安客話霸在宋時蓋與遼分界處若今靖邊諸城一垣之外卽敵境也州北一里舊有界河相傳

楊延朗建草橋於此間因以名

霸州志沙城堤西至臨津固安縣界白廟東抵青口永清縣界信安縣亘八十里明洪武中知州梁

伯常築萬曆甲戌副使錢藻增修

長安客話沙城臺山二村皆平壤也土人語云臺山無山沙城無城臺山村在州東

霸州志普濟寺在州東門外至正二年建 栲栳圈在州東十五里隆慶戊辰建安濟橋堤在城

東十八里南抵苑家口北抵楞柁圈西來諸水至此率阻斂入會同河河口狹流卒難速洩致上源爲災副使顧襄議盡決此堤殺水勢使回臺山注信安或阻之乃止

臨津堤自源州東境接固

安揚先務荆堡至州之趙家務臨津經州南抵苑家口縣延百里弘治戊午知州事劉珩築

普

和寺在煎茶鋪城東二十五里堤劉化營營經州城北抵信安鎮知州毛實增築

太平實字記平曲城在縣東三十二里漢景帝封公孫渾邪爲平曲侯卽此地

長安客話平曲城公孫渾邪卒葬於此俗名花達墓在霸州東二十五里

九域志莫金口城漢封公孫渾邪爲平曲侯卽其地

方輿紀要莫金山相傳以莫金二姓居此而名宋設莫金口塞于此俗名口頭村

元混一方輿勝覽桃花寨去莫金口五里

宋史地理志宋有劉渦刀魚莫金口阿翁鴈頭黎陽喜渦鹿角八砦政和三平改劉家渦砦曰安平

阿翁曰仁孝鴈頭曰和寧喜渦曰喜安

霸州志馬貉隄在城東四十里田家口由棘針墳至信安縣

名勝志信安城宋之信安軍也

方輿紀要城在州東五十里唐至淤口關後沒于契丹周世宗收復置淤口塞

宋史太平興國六年以霸州淤口砦建破鹵軍景德二年改爲信安

九域志信安軍砦六周和軍西五里刀魚軍北三步田家軍東一十里狼城軍東五十里佛聖渦軍東五十里李詳軍東六十里

宋史元豐四年割鹿角砦隸信安軍

金史地理志金初因宋爲信安軍大定七年降爲信安縣隸霸州

宋史河渠志塘灤緣邊諸水所聚因以限遼河北屯田司緣邊安撫司皆掌之而以河北轉運使兼都大制置凡水之淺深屯田司季申工部其水東起滄洲界拒海岸黑龍港西至乾寧軍沿永濟河合破船淀灰淀方淀爲一水衡廣一百二十里縱九十里至一百三十里其深五尺東起乾寧軍西信安軍永濟渠爲一水西合鵝巢淀陳人淀燕丹淀大光淀孟宗淀爲一水衡廣一百一十里縱三十里或五十里其深丈餘或六尺東起信安軍永濟渠西至霸州莫金口合水汶淀得勝淀下光淀

小蘭淀季子淀大蘭淀爲一水衡廣七十里或十五里或六里其深六尺或七尺東北起霸州莫金口西南保定軍父母砦合糧料淀廻淀爲一水衡廣二十七里縱八里其深六尺霸州至保定軍並塘岸水最淺故咸平景德中契丹南牧以霸州信安軍爲歸路東南起保安軍西北雄州合百水淀黑羊淀小蓮花淀爲一水衡廣六十里縱二十五里或十里其深八尺或九尺東起雄州西至順安軍合大蓮花淀洛陽淀牛橫淀康池淀疇淀白羊淀爲一水衡廣七十里縱三十里或四十五里其深一丈或六尺或七尺東起順安軍西邊吳淀至保州合齊女淀勞淀爲一水衡廣三十餘里縱百五十里其深一丈三尺或一丈起安肅廣信軍之南保州西北畜沈苑河爲塘衡廣三十里縱十里其深五尺淺或三尺曰沈河泊自保州西合雞距泉尙泉爲稻田方田衡廣十里其深五尺至三尺曰西塘泊

夢溪筆談往歲六宅使何承矩議因陂澤之地瀦水爲塞欲自相度恐其謀泄日會僚佐泛船置酒賞蓼花作蓼花遊數十篇因命座客屬和畫以爲圖傳至京師人莫喻其意自此始壅諸淀慶曆中內侍湯懷敏復踵爲之至熙寧中又聞徐村柳莊等濬於是自保州西北沉遠濬東盡滄洲泛枯梅

幾八百里悉爲瀦潦其闊處有及六七十里者至今爲藩籬而澱淤之處皆變斥鹵爲美田而魚蟹
菰蒲之利人亦賴之云

郡縣釋名霸州以霸水名

名勝志州城舊傳燕昭王所築

潞水客譚口外諸山之水自京西蘆溝橋而下經固安永清至于信安匯于三角淀達于直沽入于
海良涿九川之水會于胡良河自楊家務而下經北樂店東過辛店至于信安此霸州以北之水也
宣府紫荆白溝諸水自新城而下匯于茅兒灣經保定玉帶河達于苑家口至于信安直沽入于海
易安苑肅唐蠡九河之水自雄縣而下東過茅兒灣入于苑家口山西五臺之水自河間而下經任
丘匯于五官淀亦入于苑家口此霸州以南之水也南北二川東狹汙淺堤岸蕩蝕不足以容萬派
之流水至則瀾漫無際溢入文安大城積爲巨浸民不得耕治之之法不以壩而以導不先于決口
而始于下流按直沽之上有大淀有小淀有三角淀廣延六七十里深止四五尺若因而增益之又
爲隄以停蓄衆水而以委輸于海水有所受然後溶治舊川爲長隄以束之高廣倍于前功使水有

所行又多開支河聯絡相屬使水有所分見在窪淀數十處各深而隄之使水有所積雖有淫潦大川瀉之支河析之諸淀瀦之高隄防之無患矣

方輿紀要信安軍有永濟渠宋咸平中置塘灤以爲邊備今廢 元時府縣俱廢

名勝志狼臧城去信安城三十里又十里爲折城宋將楊延朗屯兵拒契丹于此

方輿紀要大良驛在州東八十里

大城志古南關城圖經云趙武靈王所築以朝鮮有關城故此曰南關城

九域志漢光祿大夫周堪墓在霸州城南二里

長安客話霸去都近去海亦近凡雲朔恆代諸山之水由天津入海者必經流霸出丁字沽總稱霸水

元混一方輿勝覽雙柳東西二寨相去十餘里

黃潛宣聖廟學記略霸州之益津人宮君祺卽其西鄉所居宮哥莊作學會合韓謝莊子弟肄業其中且爲廟像先聖先賢以春秋旦望奠謁如學宮法念無以示永久爰狀其事走京師請奎章閣侍

書學士內翰虞伯生爲之記公方有大論議未暇如君祺請乃以狀授潛俾執筆而書之

以上俱霸州

郡縣釋名文安潭名在縣北一十五里

文安縣志漢縣令趙夔創建土城明正德九年知縣事王鼎重修翰林院侍讀李時撰記

縣志縣治元皇慶元年知縣事李祐修建明洪武初縣丞鄧士龍重修儒學勅自宋大觀八年元皇慶中知縣楊潤李祐重建泮池東北壁有大觀碑宋徽宗手迹也

文安縣志靈集寺在莊頭村僧文淳撰記內有藏經閣閣後古檜二株傳是漢時植

方輿紀要蘇家橋在縣東二十里當往來之孔道靖難初燕王自固安縣度巨馬河駐師蘇家橋卽此

目下紀聞按蘇橋縣志謂蘇明允故蹟載詩云蘇公曾授文安簿河上蘇橋自昔傳然明允爲文安主簿以修禮書授秩未嘗赴州也

太平實字記樂巨叔墓在縣東南二十五里樂毅伐齊後從燕入趙毅生間間生巨叔毅封昌國君至漢高祖求毅之後封巨叔爲華城君卒葬於此

文安縣志元平章政事王伯勝墓在縣治東南二十五里岳村墓道有碑

唐御史董甫墓在城

西北安祖店萬曆初土人掘得墓石乃裴晉公撰文

相公莊唐工部尚書張仁憲故里有神道

碑在莊北其東南道左有相公祠

集古錄目唐張仁憲神道碑幽州節度掌書記李儉撰幽州節度參軍蔡陵八分書并篆額仁憲字仁憲官至太子中允其孫仲武爲盧龍節度使追贈仁憲爲工部尚書碑以大中二年立在文安縣太平寶宇記三角城在縣西北二十里石勒築以備燕

方輿紀要廣陵城在縣西北二十里與保定縣接界宋時聚糧于此以守益津關

文安縣志趙君廟今名仙公堂在近郭莊

舊文安城寶宇記在縣東北三十里今柳河有古城

正當良隅卽文安故城無疑矣上有漢縣令趙夔祠

方輿紀要安平砦在縣西北三十里宋置金廢

太平寶宇記滹沱河水在縣西北三十里又東溢爲趙淀今川原改易滹沱經縣東南不經縣西

日下紀聞狐狸砦俗謂之掘鯉淀按掘鯉之淀見左思魏都賦

元尙野重修文廟記略文安廟學貞祐甲戌金主南渡焚蕩殆盡僅存大觀八行之碑遼金祚終皇元受命肇開貢舉草昧漸革世祖潛藩賓禮師儒務先學校至元三年勅上都建孔子廟用敦化源文安近在畿內無以應德意二仲釋奠卽其故基表以草幕觀者惻然八年辛未縣設教諭以邑儒董君榮爲之董君素有興復議卽言於縣不獲所請以屋賃錢合若干緡伐木湯川往返千里三歷寒暑衆材始具不期月禮殿四楹鼎鼎宏敞覩深先聖先師十哲像設顯嚴惟從祀之室大成之門經畫井井未克備舉董君旣沒子道清學正孫禎教諭承其事大德辛丑後以講堂前以櫺星至大四年以雀育廡瓦易版以頤初講堂有闕至是牖端朗階址堅整燦然一新縣侯李侯倅來請文勒於石

括地志武平亭在文安縣北七十二里今名渭城

城冢記南北盧蒲城在文安縣西二十七里齊侯放盧蒲癸於此

李時修城記略正德辛未河北盜起擄掠諸州縣文安荼毒最甚坐城之廢故也歲癸酉齊東王君來尹是邑集耆老并力交作興役於甲戌乙亥秋訖工

長安客話霸州苦水而文安形如釜底尤爲諸水所匯其苑家口會同河與榜棧圈新挑河各東西相去約二十里北岸屬霸州南岸屬文安各築高堤文安約六七十里霸州約五六十里屹如長城累年有秋實賴於此但築堤愈高壅水愈甚故議者謂京師之南水害以霸州文安爲之阻也

文安縣舊志嘗細考文邑之水自西北來者九曰蘆溝拒馬夾河琉璃胡良桑乾烏流白澗白溝自西南來者六曰黑牛一畝泉方順唐河沙河磁河共十五河據水經史漢一統志益津易水鄭縣邑乘河奚營十五況桑乾卽蘆溝止十四云水自霸州注者爲廣陽涿水范水鹽溝水蘆溝河胡良河拒馬河夾河琉璃河沙河龍泉河玉帶河磁河汶河霸水共十五河惟桑乾最大自雄縣安州注者爲白溝漵梁河土尾河徐河方順河長流河溫義河馬村河紫泉河五里河拒馬河白澗河唐河沙河滋河漵沱河雄河鴉兒河酒欄河邪水易水女思谷水濡水涑水雷溪子莊溪清苑河石橋河一畝泉雞距泉共三十河惟白溝最大自河間任丘注者爲漵沱河漚水西韓河甘潤河卽冶河縣蔓河松楊河衛河濺河派河臙脂河當城河告河濁漳河清漳河夾河橫水倒馬關水漕河高陽河長豐渠五官淀共二十一河惟漵沱河最大水自任丘注者經城東半截河抵東莊橋由陵城武強淀

匯於於王村口數步之渠此廖家等口所以易決由高陽新城雄縣注者匯於毛兒灣此黑牛等口所以易決然猶南北分流河濼漫衍至保定縣北鹿疇村河止數武悉納衆流且土脈疎鹵雜以沙礫俗名雞關土地形陡峻直受奔衝此鹿疇口之決較廖家黑牛等處最險而更捷也迤邐不數里

至霸州口頭又會桑乾琉璃九河共會於通惠河直射南堤此口頭所以易潰也以苑家口一河匯巨浸者七十舊志止五十者第未暇深考蓋太行東麓之水不匯於桑乾卽匯於巨易不匯於滹沱卽匯於衡漳萬派飛流而轉注於一葦之渡秋霖泛漲勢必衝決往時桑乾經方城北今經易津南注會通河橫截西來諸水波濤湧溢駕軼凌堤益津首罹其災而餘波漸及於豐利此文安西北之水患也滹沱之環文邑者三支北支由沙唐下白洋淀中支由晉州天宮口河間下五官淀南支由深州臧家橋鴿巨窪鹽河下子牙河最南一支由深州衡水清河單家橋下青縣入御河今中二支俱淤惟南北匯流南水泛漲湧溢鹽河自平舒縣東南北注卽水經所云右出爲澱北爲澱口任昌志子牙河下流爲清河夾河月河三道同趨三角丁字沽而入於海文安東隄時被衝齧卽滹沱泛溢之水而靜海之民乃欲塞三家淀口不知鹽河下流洩於何所獨未嘗考水經於任昌志滹水經

由之故道歷歷可指數也耶今憲約勒之河干曲防者寧不畏此載書此邑東南之水
寬衍支流疏濬淀澤空濬則有大河以注水支河以分水淀澤以蓄水隄防以障水雖有浮
之波而水有所歸自不爲害今大河逼窄支河淤塞淀澤悉壅爲田所恃以障水者唯倚隄防爲長
城而已 水在堤外者曰石溝河在縣東北勝芳澱在縣東北水在堤內者文安潭在縣北黃龍
港在縣南曰柳河在縣東北曰急河在縣東北大壩橋在縣東南玳瑁口在縣東火燒淀在縣東麻
淀在縣東南牛臺淀在縣東白龍淀在縣北

按縣志明萬曆中官令延澤修堤十五年既決復塞按官令分工條議自注窩起至王李墳止共三
萬八千六百三十六工霸州保定大城文安分築 霸州三段一段自蘇橋西頭起至羊耳窩止

長二百三十二弓一段自大堡莊西頭起至藥王廟前止長六百弓一段自藥王廟前起至保定界
牌止長二百六十弓以上共長一千九十三弓 保定縣七段一段自界牌起至十王堂止長六

百四十二弓一段自鹿睡起至北壇止長六百七十五弓一段自劉家莊起至北門止長二百九十
弓一段自西關起至西壇止長八十二弓一段自擺渡口起至靳家莊止長三百三十弓一段自橫

堤起至五哥莊止長二千四百二十五弓共長五千二百八十三弓

大城縣大段一段自善來

營起至張家里十甲堤止長一百二十弓一段自張家里堤起至下五哥莊止長六百二十三弓一段自北壇起至劉家莊止長二百八弓一段西壇起至擺渡口止長四十三弓一自靳家莊起至姜家村止長一百九十弓一段自河家道口起至橫堤止長一百六十九弓以上共長一千三百五十三弓

文安九段一段自王東起至新堤頭保定堤止長四千九百五十五弓安祖里村花里修一段自鹿腫起至十王堂廟前止長一千三百三十弓豐臺里修一段自大堡莊起至善來營大城堤界止長二千一百五十二弓廣陵里急流里修一段自善來營起至蘇橋西霸州堤界止長一千九百四十弓張家里寇阜里修一段自蘇橋起至堂頭止長三千九百八十三弓留郡里寇剛里大趙里曲堤里修一段自堂頭起至艾窩止長七千九百六十三弓京頭里柳河里蘇橋里堂頭里勝芳辛留里石溝里修一段自艾窩起至王李墳止長八千五百五十五弓豐益屯豐富屯豐厚廣濟屯保安屯黃甫里司丘里小保里艾窩里淀莊里潘平里德歸里寧受屯土橋里共十四屯里修一段羊耳窩堤長四百弓急流張家寇阜留郡京頭柳河蘇橋堂頭勝芳黃甫司丘石溝艾窩淀莊德歸辛

留土橋共十七里寄莊修一段口頭藥王廟堤長一百三十弓安祖富花豐台廣陵寧受豐富豐益
豐厚廣濟保安共一十里屯寄莊修以上共長三萬九百八弓

萬曆四十二年甲寅崔令儒秀大城梁令綱保定令田龍用并憲副濟博策自白家道口至上五哥
莊止築遙堤一道以防廖家黑牛等口之衝長八里文安修五分保定修二分大城修三分歷丙寅
黑牛口決果賴以無虞

按文安一邑水患爲最大此志所載水道分合
通塞源委至詳附錄於此以備有心者之參考

明一統志大城縣州城南一百三十里

太平寶宇記大城本漢東平舒縣屬渤海郡

水經注代郡有平舒城故加東渤海之屬縣也

大城縣志正德七年知縣事石恩始築土城嘉靖中知縣全尙貢張應武相繼甃以甌建門樓二隆
慶間知縣趙德光補建二樓城周四里一十三步高一丈六尺爲堞一千有九十四門東曰通和西
曰安阜南曰明達北曰恩光環以濠廣六丈崇禎六年知縣毛雲翰復增崇六尺

縣治當城之

中洪武元年主簿周自銘創置

學宮在縣治西金天會十二年縣令姚璧建元至正二十三年

達魯花赤楊甫重建元末兵燬洪武間縣丞王繼復建弘治三年知縣張津重修增講堂及光風霽月亭

燕山叢錄大城北有子牙堽相傳以爲太公嘗居此所謂北海之濱是也河中有釣臺浮出烟波土人云常隨水高下雖大浸不沒 縣北十里所民家耕牛生麟其地名麒麟渚

太平竇宇記鳳凰臺在縣東北十五里晉石勒四年鳳凰見於此因築臺

城冢記秦太子墓在縣城北六十里段隄村相傳始皇巡狩駐蹕於此值幼子薨因瘞之

大城縣志居民向太子冢祈禱無不應者俗呼爲仙人臺

太平竇宇記平陵城在縣東北一百一十里漢書蘇建封平陵侯卽此地也

大城縣志興寧寺在縣東南十五里白楊村唐貞觀年建明成化中重修

名勝志唐靳夫人墓在城東南十五里兗州長史靳思室也墓石尙存

方輿紀要章武故城在縣南四十七里漢置縣屬渤海郡武帝封竇廣德爲侯邑仍屬渤海後漢魏因之晉屬章武國後魏屬浮陽郡又析置西章武縣屬章武郡高齊省入平舒縣